

腸服之不肌邊外名黍喇棘譚吉璉曰彼榆人斯不耕不鑿地不

愛寶求民之瘼秀發沙中瑞同旅穀延綏鎮志○按蔴州米脂志似有之

蔴米 神木縣生味甘寒爾雅云似燕麥可食一名守氣馬志

蔴稗 蔴苗似稗而穗如粟有紫毛即烏禾爾雅謂之蔴本草綱目稗有

水稗旱稗水稗生田中旱稗苗葉似稗子色深綠結子如黍粒茶

褐色廣羣芳譜商州有之商州志

大豆 七月亨葵及菽詩經爾雅大豆菽也廣雅有黑白黃褐

青斑數色黑者名烏豆可入藥本草綱目關中處處有之大豆以二月

中旬種者為上馬志菽五色各出形味不一黃白青黑者皆可為腐

咸寧縣志黑豆有大小二種大者早種小者晚種同時熟煮食之良渭南

縣志菽之大者為京豆黃豆多而且佳維南縣志豆有黑青紫數種均名

黃豆可作腐可取油山陽縣志